

# Ábhair




**Splanc**

# Adhmad

Le plé:

1. Cá háit a bhfaighimid adhmad?
2. Cad é a dhéanaimid le hadhmad?
3. Cad chuige a ndéanaimid rudaí áirithe le hadhmad?



Le déanamh:

- Déan liosta de na rudaí a dhéanaimid le hadhmad.
- Tarraing pictiúir de na rudaí i do liosta.

Sampla


Úsáidimid adhmad leis na rudaí seo a dhéanamh:

peann luaidhe,  
bád,  
troscán

# Plaisteach

Le plé:

1. Cad iad na rudaí a dhéanaimid le plaisteach?
2. An bhfuil cineálacha difriúla plaisteach ann?
3. Cén dóigh a bhfuil plaisteacha difriúil óna chéile?



Le déanamh:

- Déan liosta de na rudaí a dhéanaimid le plaisteach.
- Tarraing pictiúir de na rudaí i do liosta.

Sampla

Úsáidimid plaisteach leis na rudaí seo a dhéanamh:

peann,  
bréagán,  
mála

# Páipéar

## Le plé:

1. Cár b as a dtagann páipéar?
2. Cad iad na cineálacha difriúla páipéir atá ann?
3. Cén dóigh a bhfuil cineálacha éagsúla páipéir difriúil óna chéile?



## Le déanamh:

- Scríobh abairtí a chuireann síos ar an úsáid a théann le cineálacha difriúla páipéir.

## Sampla

1. Scríobhann muid ar pháipéar scríbhneoireachta.
2. Déanann muid boscaí le cairtchlár.
3. Glanann muid le rolla cistine.
- 4.

# Olann

**Le plé:**


1. Cár b as a dtagann olann?
2. Cad iad na rudaí a dhéanann muid le holann?
3. Cad chuige a bhfuil olann maith le haghaidh éadaí?



**Le déanamh:**

- Dear geansaí olla. Greamaigh é ar chairtchlár le glae.


**Sampla**



# Gloine

## Le plé:

1. Cad iad na cineálacha difriúla gloine atá ann?
2. Cén áit a mbíonn gloine in úsáid ag daoine?
3. An bhfuil gloine contúirteach?



## Le déanamh:

- Scríobh faoi na háiteanna uilig sa teach a bhíonn gloine in úsáid.

## Sampla

1. Bíonn gloine ar na ballaí le solas a ligean isteach.
2. Ólaimid as gloine.
3. Bíonn gloine ar scáileán na teilifíse le go dtig linn na pictiúr a fheiceáil.
- 4.

# Miotal

## Le plé:

1. Cad é a dhéanaimid le miotal?
2. Cad chuige a n-úsáidimid miotal le rudaí áirithe a dhéanamh?
3. Cad iad na cineálacha difriúla miotail atá ann?



## Le déanamh:

- Déan liosta de na cineálacha difriúla miotail atá ann.

## Sampla

iarann  
alúmanam  
stán

# Éadach

## Le plé:

1. Cad iad na cineálacha difriúla éadaí atá ann?
2. Cad iad na húsáidí eile atá le héadach?
3. Cén áit sa teach a bhíonn éadach le feiceáil?



## Le déanamh:

- Scríobh abairtí ar na cineálacha difriúla éadaí a chaitimid ag amanna difriúla sa bhliain.

## Sampla


1. Cuirim cóta orm nuair a bhíonn sé fuar.
2. Cuirim T-léine orm nuair a bhíonn sé te.
3. Cuirim miotóga orm nuair a bhíonn sé ag cur sneachta.



# Rubar

**Le plé:**

1. Cén áit sa scoil a bhíonn rubar?
2. Cén áit sa bhaile a bhíonn rubar?
3. Cad chuige a mbíonn boinn chairr déanta as rubar?



- Scríobh abairtí ar an úsáid a bhíonn le rubar.

**Sampla**

1. Tá cuimilteoir déanta as rubar mar cuimlíonn sé amach.
2. Tá boinn chairr déanta as rubar mar tá sé greamaitheach.

# Ceirmeach

Le plé:


1. Cár b as a dtagann ceirmeach.
2. Cad é mar a dhéantar ceirmeach as cré.
3. Cad iad na rudaí atá déanta as ceirmeach?



Le déanamh:

- Déan pláta, cupán nó earra tí eile as cré.

Sampla



# Bruscar

Le plé:


1. Cad é an rud é bruscar?
2. An dtig úsáid eile a fháil do bhruscar?



Le déanamh:

- Déan suirbhé ar an chineál bruscair is coitianta sa scoil.
- Tarraing graf air.

Sampla



# Athchúrsáil

Le plé:


1. Cad é an rud é athchúrsáil?
2. Cad iad na rudaí ar féidir a athchúrsáil?



Le déanamh:

- Déan páipear athchursailte.
- Stróic seanpháipéar ina phíosáí beaga.
- Cuir na píosáí in uisce agus lig don uisce dul isteach sa pháipéar.
- Glac cuid den mheascán, leacaigh é agus lig do triomú ar chriathar.


Sampla



# Leá

Le plé:

1. Cad é a tharlaíonn nuair a leánn oighear?
2. Cad iad na rudaí eile a leánn?
3. An féidir rud a leánn a athrú ar ais? Cén dóigh?



Le déanamh:

- Déan bonnóga le seacláid agus rís.

Sampla



# Lobhadh

## Le plé:

1. Cad é a tharlaíonn nuair a lobhann úll?
2. Cad iad na rudaí eile a lobhann?
3. Cad iad na rudaí nach lobhann?
4. An bhfuil sé sácháilte bia atá lofa a ithe?



## Le déanamh:

- Fag trí rud in áit sácháilte sa seomra ar feadh cúpla lá.
- Amharc orthu agus scríobh síos cad é a tharlaíonn dóibh.

## Sampla

### Píosa Aráin

D'fhág muid píosa aráin ar leac na fuinneoige sa seomra ranga. I ndiaidh trí lá bhí an t-arán iontach crua.


### Banana

D'fhág muid banana.....

# Tuaslagadh

Le plé:

- Cad é a tharlaíonn nuair a chuireann tú siúcra in uisce?
- Cad é a tharlaíonn nuair a chuireann tú salann in uisce?
- Cad é a tharlaíonn nuair a chuireann tú caifé in uisce?
- Cad é a tharlaíonn nuair a chuireann tú gaineamh in uisce?



Le déanamh:

- Fiosraigh cé acu ábhair a thuaslagann agus cé acu ábhair nach dtuaslagann. Scríobh do thorthaí i dtábla.

Sampla

Ábhar	Tuaslagann	Ní thuaslagann
siúcra	✓	
gaineamh		✓

# Oighear, Uisce agus Gal

## Le plé:

- Cad é a tharlaíonn nuair a éiríonn uisce iontach te?
- Cad é a tharlaíonn nuair a éiríonn uisce iontach fur?
- Cad é a tharlaíonn nuair a éiríonn oighear te?
- Cad é a tharlaíonn nuair a éiríonn gal fuar?



## Le déanamh:

- Déan líreacáin oighir. Scríobh síos cén dóigh a ndearna sibh na líreacáin.

nó...

- Ar lá te, caith cupán uisce ar an talamh sa chlós. Fan go dtí go stopann an t-uisce agus ansin tarring thart air le cailc. Tar ar ais chuige i ndiaidh uaire le fail amach cad é a tharla don uisce. Tarring pictiúr den chruth a rinne agus scríobh abairtí a chuireann síos ar an rud a rinne sibh.



# Nádúrtha

Le plé:

- Cá bhfaighimid adhmaid?
- Cá bhfaighimid clocha?
- Cá bhfaighimid olann?
- Cá bhfaighimid iarann?
- Cá bhfaighimid síoda?
- Cá bhfaighimid línéadach?



Le déan

- Bailigh ábhair dhifriúla agus sórtáil iad bunaithe ar an áit a bhfaighimid iad. Cuir do thorthaí i dtábla.

Sampla

Fásann sé	Ó ainmhithe	Ón talamh
adhmaid		
		clocha

# Lámhdhéanta

## Le plé:

- Cá bhfaighimid páipéar?
- Cá bhfaighimid plaisteach?
- Cá bhfaighimid bríce?
- Cá bhfaighimid ceirmeach?
- Cá bhfaighimid gloine?



- Bailigh cineálacha difriúla páipéir. Déan liosta de na cineálacha difriúla atá agat.
- Bailigh cineálacha difriúla plaistigh. Déan liosta de na cineálacha difriúla atá agat.

## Sampla


Bhailigh muid cineálacha difriúla páipéir; páipéar scríbhneoireachta, cairtchlár, páipéar síoda...

Bhailigh muid cineálacha difriúla plaistigh; polaitéin, polaistiréin, cúr-rubar...

# Solúbtha agus Righin

Le plé:


- Ainmnigh rudaí atá solúbtha.
- Ainmnigh rudaí atá righin.



Le déanamh:

- Bailigh ábhair dhifriúla agus sórtáil iad de réir cé chomh solúbtha nó righin atá siad. Tarraing líne agus cuir iad san áit cheart ar an líne.


Sampla



# Mín agus Garbh


Le plé:

- Ainmnigh rudaí atá mín.
- Ainmnigh rudaí atá garbh.



- Bailigh ábhair dhifriúla agus sórtáil iad de réir cé chomh mín nó garbh atá siad. Tarraing líne agus cuir iad san áit cheart ar an líne.

Sampla



# Uiscdhíonach agus Ionsúiteach

## Le plé:

- Ainmnigh rudaí atá uiscdhíonach.
- Ainmnigh rudaí atá ionsúiteach.



SimplePlants.com- Plants, Animals and logos for Weather-Seasons

## Le déanamh:

- Scríobh síos an fáth a mbíonn rudaí atá uiscdhíonach úsáideach.
- Scríobh síos an fáth a mbíonn rudaí atá ionsúiteach úsáideach.

## Sampla

Tá cóta fearthainne uiscdhíonach mar ba mhaith linn a bheith tirim nuair a bhíonn sé ag cur fearthainne.

Tá rolla cistine ionsúiteach mar cuidíonn sé linn glanadh suas.